

草

窗

詞
補

叢書集成

初編

王 雲 五
王 雲 五

商務印書館發行



詞 質 選

卷



3 0646 4019 0

撰 審 同

本館據知不足齋
叢書本排印初編
各叢書僅有此本

草窗詞卷上

楚宮春 牡丹

升陽嘯翁周 密



香迎曉白。看煙佩霞綃。弄妝金谷。倦倚畫闌無語。情深嬌足。雲擁瑤房翠暖。繡幕_{笛譜}捲。東風傾國。半捻愁紅。念舊遊。凝竹蘭橈。_{笛譜}瑞鷺低舞庭綠。猶想沈香亭北。人醉裏。芳筆曾題新曲。自翦露痕移取。春歸華屋。絲障銀屏靜掩。悄未許。鶯窺燕_{笛譜}宿。絳蠟良宵。酒半闌。重撓鴛機。醉靨爭妍紅玉。

大聖樂 東園饒春

嬌綠迷雲。倦紅顰曉。嫩晴芳樹。漸午陰。簷影移香。燕語夢回。千點碧桃吹雨。冷落錦官人歸後。_{一作冷落錦官人歸後。似誤。}記前度。蘭橈停翠浦。凭闌久。

草窗詞 卷上

謾凝想

許一作

鳳翹。慵聽金縷。

留春問誰最苦。奈花自無言。鶯自語。

對畫樓殘照。東風吹遠。天涯何許。怕折露條愁輕別。更煙暝。長亭啼杜宇。垂楊晚。但羅袖。暗沾飛絮。

渡江雲 三犯 再雪

冰谿空翠晚。蒼茫鴈影。淺水落寒沙。那回乘夜興。雲雪孤舟。曾訪故人家。千林未綠。芳信緩。
笛譜 鴉。堪嗟。
二 上段煞尾。
笛譜 作 嘶鳴玉珮。山護雲衣。又扁舟東下。想故園。天寒倚竹。袖薄籠紗。詩筒已是經年別。蚤暖律。春動香葭。愁寄遠。溪邊自折梅花。

露華

憶別和寄閒韻 〇案蘋洲漁笛譜題云次張翥雪韻

暖銷蕙雪。漸水紋漾錦。雲淡波容。
笛譜 岸香弄藥。新枝輕裊。條風次第。燕歸將近。愛柳眉。桃靨煙濃。鴛徑小。芳屏聚蝶。翠渚飄鷗。六橋

舊情如夢。記扇底官眉。花下游驄。選歌試舞。連宵戀醉。瑤笛譜叢。怕裏早鶯啼醒。問杏鈿。誰點愁紅。心事悄。春嬌又入翠峯。

繡鸞鳳花犯

賦水仙花

楚江湄。湘娥乍見。無言灑清淚。澹然春意。空獨倚東風。芳思誰寄。凌波路冷秋無際。香雲隨步起。謾記得。漢宮仙掌。亭亭明月底。冰弦寫怨更多情。騷人恨。枉賦芳蘭幽芷。春思遠。誰笑笛譜。賞國香風味。相將共。歲寒伴侶。小窗淨。沈煙薰翠被。笛譜幽夢覺。涓涓清露。一枝燈影裏。

探春慢 脩門度歲

綵勝宜春。翠盤消夜。客裏暗驚時候。翦燕心情。呼盧音笛譜。語景物總成懷舊。愁鬢妒垂楊。蚤笛譜穉眼。漸濃如豆。儘教寬盡春衫。畢竟爲誰消瘦。梅浪半空如繡。便管領芳菲。忍辜詩酒。映竹占花。臨窗

卜鏡還念歲笛譜寒官袖。簫鼓動春城。競點綴。玉梅金柳。厮勾元宵。
燈前共誰攜手。

瑤花慢 瘦花

朱鈿寶玦。天上飛瓊。比人間春別。江南江北。曾未見。謾擬梨雲梅雪。
淮山春晚。問誰識。芳心高潔。消幾番。花落花開。老了玉關豪傑。金
壺翦送瓊枝。看一騎紅塵。香度瑤闕。韶華正好。應自喜。初識長安蜂
蝶。杜郎老矣。想舊事。花須能說。記少年。一夢揚州。二十四橋明月。

夜合花 茉莉

月地無塵。珠宮不夜。翠籠誰煉鉛霜。南州路杳。仙子誤入唐昌。零露
滴。溼微妝。逗清香。蝶夢空忙。梨花雲暖。梅花雪冷。應妒秋芳。虛庭
夜氣偏涼。曾記幽叢探玉。素手相將。青裊嫩萼。指痕猶映瑤房。風透
幕。月侵牀。記夢回。粉豔爭香。枕屏金絡。釵梁絳縷。都是思量。

玉京秋 秋思

煙水闊。高林弄殘照。晚蜩淒切。碧砧度韻。銀牀飄葉。衣溼桐陰露冷。
採涼花。時賦秋雪。歎輕別。一襟幽事。砌蛩能說。客思吟商還怯。怨
歌長。瓊壺暗缺。翠扇恩疎。紅衣香褪。翻成銷歇。玉骨西風。恨最恨。聞
却新涼時節。楚簫咽。誰倚西樓淡月。

采綠吟 遊湖

采綠鴛鴦浦。畫舸水北雲西。槐薰入扇。柳陰浮漿。花露侵詩。點塵飛
不到。冰壺裏。紺霞淺。壓笛譜玻璃。想明璫。凌波遠。依依心事。寄誰。
移棹。巖空明。蘋風度。瓊絲。霜管清脆。咫尺挹幽薌。悵隔岸紅衣。對滄
洲。心與漚閒。吟情渺。蓮葉共分題。停杯久。涼月漸生。煙合翠微。

解語花 春晴

晴絲罥蝶。暖蜜酣蜂。重簷捲春寂寂。雨萼煙梢。壓闌干花雨。染衣紅

溼。金鞍誤約。空極目。天涯草色。闌苑玉簫人去後。惟有鶯知得。餘
寒猶掩翠戶。梁燕乍歸。芳信未端的。淺薄東風。莫因循輕把。杏鉤狼
藉。塵侵錦瑟。殘日綠窗春夢窄。睡起折花無意緒。斜倚秋千立。

曲游春 遊西湖

禁苑東風外。颺暖絲晴絮。春思如織。燕約鶯期。惱芳情。偏在翠深紅
隙。漠漠香塵隔。拂十里。亂絲笛。叢譜笛。看畫船。盡入西泠。閒却半湖
春色。柳陌。新煙凝碧。映簾底。官眉隄上游勒。輕暝籠寒。怕梨雲夢
冷。杏香愁幕。歌管酬寒食。柰蝶怨。良宵岑寂。正滿湖。碎月搖花。怎生
去得。

大聖樂 重午

虹雨霓_{舊譜}風。翠縈蘋渚。錦翻葵徑。正小亭。曲沼幽深。簟枕夢回。苔
色槐陰清潤。暗憶蘭湯初洗玉。襯碧霧籠綃。垂蕙領。輕妝了。裊涼花

絳縷。香滿鸞鏡。人間午遲漏永。看雙燕將雛穿藻井。喜玉壺無暑。
涼涵荷氣。波搖簾影。畫舸西湖渾如舊。又菰冷蒲香驚夢醒。歸舟晚。
聽誰家紫簫聲近。

桂枝香 桂

巖屏逗綠。又涼入小山。千樹幽馥。仙影懸霜粲夜。楚宮六六。明霞洞
窅珊瑚冷。對清商。吟思堪掬。麝痕微沁。蜂黃淺約。數枝秋足。別有
雕闌翠屋。任滿帽珠塵拚醉。香玉。瘦倚西風。誰見露肌侵粟。好秋能
幾。花前笑繞涼雲。重換笛譜銀燭。寶屏空曉。孤笛譜叢怨月。夢回金
谷。

秋霽 秋日遊西湖

重到西泠。記芳園載酒。畫舸笛譜橫笛。水曲芙蓉。渚邊鷗鷺。依依似
舊會。相識。年華笛譜易失。段橋幾換垂楊色。謾自惜。愁損庾郎。雙

鬢點華白。笛譜云：霜點鬢華白。殘蜚露草。怨蝶寒花。轉眼西風。又成陳跡。歎如今。才消量減。樽前辜負。醉吟筆。欲寄遠情。秋水隔。舊遊空在。凭高望極。斜陽亂山浮紫。暮雲凝碧。

齊天樂 梅

官簷融暖。晨妝懶。輕霞未勻酥臉。倚竹嬌顰。臨溪瘦影。依約樽前重見。盈盈笑靨。映珠絡玲瓏。翠綃葱蒨。夢入羅浮。滿衣清露。暗香染。東風千樹易老。怕紅顏漸減。芳意偷變。贈遠天寒。吟香夜冷。笛譜多少江南新怨。瓊疏靜掩。任翦雪裁雲。競誇新豔。畫角黃昏。夢隨春去。笛譜共。

一枝春 酒邊聞歌和寄閒韻

碧淡春姿。柳眠醒。似怯朝來酥雨。芳程乍數。喚起探花情緒。東風尙淺。甚先有。翠嬌紅嫵。應自把。羅綺圍春。占得畫屏春聚。留連繡叢。

深處。愛歌雲裊裊。低隨香縷。瓊窗夜暖。試與細評新譜。妝梅媚笛譜
粉。料無柰。弄顰佯妬。還怕裏。簾外籠鶯。笑入醉語。

又春晚又和韻。

簾影移陰。杏蕚寒。乍溼西園絲雨。芳期暗數。又是去年心緒。金花謾
翦。倩誰畫。舊時眉嬾。空自想。楊柳風流。淚滴軟銷紅聚。羅窗那回
歌處。歎庭花倦舞。香綃冰笛譜縷。樓空燕冷。碎錦懶尋塵譜。幺弦慢
賦。會記笛譜是。倚嬌成妬。深院悄。門笛譜掩梨花。倩鶯寄語。

綠蓋舞風輕白蓮。

玉立照新妝。翠蓋亭亭。凌波步秋綺。眞色生香。明璫搖淡月。舞袖斜
倚。耿耿芳心。柰千縷情絲縈繫。恨開遲。不嫁東風。顰怨嬌藥。花底
謾卜幽期。素手探珠房。粉豔初洗。笛譜雨溼鉛腮。碧雲深。暗聚軟銷
清淚。訪藕尋蓮。楚江遠。相思誰寄。棹歌回。衣露滿身花氣。

玲瓏四犯 戲調夢窗

波暖塵香。正嫩日輕陰。搖蕩清晝。幾日新晴。初展綺屏。符譜紋繡年

少恐

笛譜

負韶華。儘占斷。豔歌芳酒。柰

符譜

翠簾蝶舞蜂喧。催趁禁

煙時候。

杏腮紅破梅鈿皺。燕歸時。

符譜

海棠廝勾。尋芳較晚東

風約。還約

笛譜

無在。劉郎歸

笛譜

無後。

憑問柳陌舊鶯。人比似。垂楊

誰瘦。倚畫闌無語。春恨遠。頻回首。

拜星月慢 春暮寄夢窗

膩葉陰清。孤花香冷。迤邐芳洲春換。薄酒孤吟。悵相如遊倦。想人在。絮幕香簾凝望。誤認幾許煙牆風幔。芳草天涯。負華堂雙燕。記簫聲。淡月梨花院。砑牋紅。漫寫東風怨。一夜落月啼鴉。喚四橋吟鏡。蕩歸心。已過江南岸。清宵夢。遠逐飛花亂。幾千萬縷垂楊。翦春愁不斷。

長亭怨慢 懷舊

記千竹萬荷深處。綠淨池臺。翠涼亭宇。醉墨題香。閒簫橫玉。盡吟趣。
勝流星聚。知幾誦燕臺句。零落碧雲空。歎轉眼。歲華如許。凝竚。
作上段望涓涓一水。夢到隔花窗戶。十年舊事。儘消得庾郎愁賦。燕
然尾樓鶴表半漂零。算惟有。盟鷗堪語。漫倚徧河橋。一片涼雲吹雨。

臺城路 梅

東風又入江南岸。年年漢宮春早。寶屑無痕。生香有韻。消得何郎花
惱。孤山夢繞。記路隔金沙。那回曾到。夜月相思。翠樽誰共飲清醪。
天寒空念贈遠。水邊憑爲問。春到多少。竹外凝情。牆陰照影。誰見嬌
然一笑。吟香未了。怕玉管西樓。一聲霜曉。花自多情。看花人自老。

月邊嬌 元夕

酥雨烘晴。早柳盼顰嬌。蘭芽愁醒。九街月淡。千門夜暖。十里寶光花
影。塵凝步幃。送豔笑。爭誇輕俊。笙簫迎曉。翠幕捲。天香宮粉。少年

紫曲疎狂。絮花踪跡。夜蛾心性。戲叢圍錦。燈簾轉玉。拚却舞勾歌引。前歡謾省。又輦路。東風吹鬢。醺醺倚醉。任夜深春冷。

宴清都 登川園

老去閒情懶。東風外。霏霏笛譜。花絮零亂。輕漣漲綠。啼鴉暗碧。一春過半。尋芳已是來遲。怕迤邐。年華笛譜。暗換。應笛譜。恨白雪。歌空。秋霜鬢冷誰管。凭闌自笑清狂。事隨花謝。愁與春遠。持杯顧曲。登樓賦筆。杜郎才減。前歡已隔殘照。但耿耿。臨高望眼。遡輕笛譜紅。一棹歸時。半蟾弄晚。

梅花引 落梅

瑤妃鸞影逗仙雲。玉成痕。麝成塵。露冷鮫房。清淚霰珠零。步繞羅浮歸路遠。楚江晚。賦宮斜。招斷魂。酒醒夢醒惹新恨。褪素妝。愁浣粉。翠禽夜冷。舞香惱。何遜多情。委珮殘鈿。空想墜樓人。欲挽湘裙無處

覓倩誰爲覓。寄笛譜江南萬里春。

瑞鶴仙 湖山繪幅堂。

翠屏圍畫錦。正柳纖煙銷。花明春鏡。層闌幾回凭。看六橋鶯晚。兩隄鷗暝。晴嵐隱隱。映金壁樓臺遠近。謾曾誇萬幅。丹青畫筆。畫應難盡。那更二字。笛譜作。上段煞尾。波涵月彩。露裊蓮妝。水描梅影。調朱弄粉。憑誰寫。四時景。問玉奩西子。山眉波盼。多少濃施淺暈。算何如。付與吟翁。緩評細品。

齊天樂 赤壁重遊。

清溪數點芙蓉雨。蘋蕪泛涼吹靄。洗玉空明。浮珠沆瀣。人靜簾沈波息。仙潢咫尺。想翠宇瓊樓。有人相憶。天上人間。未知今夕是何夕。此生此夜此景。自仙翁去後。清致誰識。散髮吟商。簪花弄水。誰伴涼宵橫笛。流年暗惜。怕一夕西風。井梧吹碧。底事閒愁。醉歌浮大白。

大酺 春陰懷舊

又子規啼。荼蘼謝。寂寂春陰池閣。羅窗人病酒。奈牡丹初放。晚風還惡。燕燕歸遲。鶯鶯聲懶。閒買秋千紅索。三分春過二。向剩寒猶凝。翠衣香薄。傍鴛鴦徑。鸚鵡籠。一池萍碎。半簷花落。最憐春夢弱。楚臺遠。空負雨期雲約。笛譜云。空負。朝雲約。謾念想。清歌錦瑟。翠管瑤樽。幾回重笛譜醉東園酌。燕麥兔葵。笛譜有根字。倩誰訪。畫闌紅藥。况多病。腰如削。相如老去。賦筆吟牋閒却。此情怕人問著。

霓裳中序第一 聞思

湘屏展翠疊。恨入宮溝流怨葉。釭冷金花暗結。又鴈影帶霜。蛩音淒月。珠寬腕雪。歎錦牋芳字盈篋。人何在。玉簫舊約。忍對素娥說。愁絕。二字。笛譜作段煞尾。夜砧幽咽。任帳底沈煙漸滅。紅蘭誰採贈別。洛妃分綃。漢浦遺玦。舞鸞光半缺。最怕聽離弦乍闕。憑闌久。一庭香露。桂影

弄淒笛譜蝶。

過秦樓 避暑和寄閒韻。

紺玉波寬。碧雲亭小。蕤蕤水花。風笛譜香細。魚牽翠帶。燕掠紅衣。雨急
萬荷喧睡。臨檻自探。瑤房鉛粉沾襟。雪絲縈指。喜嘶蟬樹遠。盟鷗鄉
近。鏡奩光裏。簾戶悄。竹色侵基。槐陰移漏。晝永簾花鋪水。清眠乍
足。晚浴初慵。瘦約楚裙尺二。曲砌虛庭。夜深月透龜紗。涼生蟬翅。看
銀潢瀉露。金井啼鴉漸起。

聲聲慢 水仙梅。

瑤臺月冷。珮渚煙深。相逢共話淒涼。曳雪牽雲。一般淡雅梳妝。樊姬
歲寒舊約。喜玉兒。不負蕭郎。臨水鏡。看清鉛素靨。真態生香。長記
湘皋春曉。仙路迴。冰鈿翠帶交相。滿飲臺杯。休待怨笛譜羽吟商。淒
波又歸甚處。問蘭昌。何似唐昌。春夢好。倩東風。留駐瑣窗。

又菊桂秋荷。

妝額黃輕。舞衣紅淺。西風又到人間。小雨新霜。萍池薜徑生寒。輸他漢宮姊妹。粲星鈿。霞珮珊珊。涼意早。正金盤露潔。翠蓋香殘。三十
六宮秋好。看扶疎仙影。伴月長閒。寶絡風流。何如細藥堪餐。幽香未
應便減。傲清霜。正自宜看。吟思遠。負東籬。還賦小山。

臺城路 閨思。

曲屏遮斷行雲夢。西樓怕聽疎雨。硯凍凝華。香寒散霧。呵筆慵題新
句。長安倦旅。歎衣染塵痕。鏡添秋縷。過盡飛鴻。錦牋誰與笛譜寄愁
去。簫臺應是怨別。曉寒梳洗懶。依舊眉嫵。酒滴爐香。花圍座煖。閒
却珠鞦鈿柱。芳心謾語。恨柳外游韉。繫情何處。暗卜歸期。細將梅蕊
數。

滿庭芳 湘梅。

玉沁脣脂。香迷眼纈。肉紅初暎仙裳。湘皋春冷。照水暗浮香。誰翦茜
雲侵臉。含嬌暈。微印官妝。是箇潘妃。乍起。霞侵臉。微印官妝。疑還疑是。
壽陽凝醉。無語倚含章。絳綃清淚冷。東風寄遠。愁損紅癭。笑桃凡
李俗。箇譜云。笑桃。凡挑俗。蝶喜蜂忙。莫把杏花輕比。怕杏花。不敢承當。飄零處。
還隨流水。應去誤劉郎。

乳燕飛 夏遊

波影遙搖。箇譜連鰲。趁薰風。一舸來時。翠陰清晝。去郭軒楹纔數里。蘚
磴松關雲岫。快展齒。筇枝先後。空半危亭堪聚遠。看洞庭。縹緲爭奇。
秀。人自老。景如舊。來帆去棹還知否。問古今。幾度斜陽。幾回搔首。
晚色一川誰管領。都付雨荷煙柳。知我者。燕朋鶯友。笑拍闌干呼范
蠡。甚平吳。却倩垂綸手。吁萬古。付卮酒。

風入松 立春

柳梢煙暖

笛譜

已瓊瓏。嬌眼試東風。情絲又逐青絲亂。剩寒輕。猶戀

芳權。筍玉新裁早燕。杏鈿時引晴蜂。

當時蘭柱繫花驄。人在小樓

東。鶯嬌戲索迎春句。愛露牋。新染香紅。未信閒情便懶。探花拚醉瓊
鍾。

掃花游 寒食。

柳花颺白。又火冷錫香。歲時荆楚。海棠似語。惜芳情。燕掠錦屏紅舞。
怕裏流芳。暗水啼煙細雨。帶愁去。歎寂寞東園。空想遊處。幽夢曾
暗許。柰草色迷雲。送春無路。翠丸薦俎。掩清樽。謾憶舞蠻歌素。怨碧
飄香。料得啼鵲更苦。正愁紆。黯春陰。倦簫殘鼓。

水龍吟 賣山園表裏 畫圖

仙山非霧非煙。翠微縹緲樓臺亞。江蕪海樹。晴光雨色。天開圖畫。兩
岸潮平。六橋煙霽。晚鈎簾挂。自元暉去後。雲情雪意。丹青手。應難寫。

花底朝回多暇。倚高寒、有人蕭灑。東山杖屨，西州賓客，笑談風雅。貯月盃寬，護香屏暖，好天涼夜。良笛譜樂閒中日月，清時鐘鼓，結春風社。

祝英臺近 攬秀園

步玲瓏，尋窈窕，瑤草四時碧。小小蓬萊，花氣透簾隙。幾回翠水荷初，蒼崖梅小，綺寮掩、玉壺春色。柳屏窄。上三字，笛譜作芳檻日日東風，幾陣吹吟筆。醉笛譜云幾曲折花房，鶯燕似曾相笛譜識。最憐燈影纔收，歌塵初靜，畫樓外、一聲秋笛。

聲聲慢 九日

橙香小院，桂冷閒庭，西風鴈影涵秋。鳳撥龍槽，新聲小按梁州。鶯吭夜聲轉巧，凝涼雲、應爲歌留。慵顧曲，歎周郎老去，鬢改花羞。何事登臨感慨，倩金焦焦笛譜一洗，千古清愁。屢舞高歌，作成陶謝風流。人

生最難一笑。拚樽前醉倒。方休待醉也。帶黃花。須插帶滿頭。

明月引 寄恨

憊紅愁碧晚蕭蕭。遡回潮。竚仙橈。風露高寒。飛下紫霞簫。一鴈遠將
千里笛譜恨。懷渺渺。翦愁雲。風外飄。酒醒未醒香漸消。采江蘺。吟
楚招。清徽芳筆。梅魂冷。月影空描。錦瑟瑤樽。閒度可憐宵。二十四欄
愁倚偏。空悵望。短長亭。長短橋。

又 閨怨

鴈霜苦雪冷飄蕭。斷魂潮。送輕橈。翠袖珠樓。清夜夢瓊簫。江北江南
雲自碧。人不見。淚花寒。向隨譜雨飄。愁多病多腰素消。倚清琴。調
大招。江空年晚。淒涼句。遠意難描。月冷花陰。心事負春宵。幾度問春
春不語。春又到。到西湖。第幾橋。

徵招 九日有懷楊守齋

江蘼搖落江楓冷。霜空鴈程初到。萬景正悲秋。笛譜柰曲終人杳。登
臨嗟老矣。問今古清愁多少。一夢東園。十年心事。恍然驚覺。腸斷
紫霞深。知音遠。寂寂怨琴淒調。短髮已無多。怕西風吹帽。黃花空自
好。問誰識。對花懷抱。楚山遠。九辨難招。更晚煙殘照。

醉江月 中秋

奩霏淨洗。喚素娥睡起。平分秋色。鴈背風高。嬌兔冷。露脚侵衣香溼。
銀浦流雲。珠房迎曉。鬢影爭霜白。玉樽良夜。與誰同醉瑤席。忍記
倚桂分題。簪花籌酒。處處成陳迹。十二樓空環珮冷。惟有孤雲知得。
如此江山。依然風月。月底人非昔。知音何許。淚痕空漬。笛譜愁碧。

六么令 雪

癡雲翦葉。簷滴夜深悄。銀城飛捷翠壘。占祥豐年報。白戰清吟未了。
寒鵲驚枝曉。鶴迷翠表。山陰醉臥。今日笛譜醉云。山陰笛譜何人問安道。

交暎虛窗淨沼。不許遊塵到。誰念絮帽茸裘。歎幼安今老。玉鑑脩眉未掃。白雪詞新草。冰蟾光皎。梅心香動。閒看春風上瓊島。

又春雪

迴風帶雨。凍澀漏聲悄。小窗照影虛白。幾誤鄰雞報。千樹天桃天葩譜綻了。鵲立通明曉。眼空入表。官袍帶月。醉裏應迷灞陵道。風靜瓊林翠沼。片片隨春到。吟嚮十里新隄。怪四山青老。玉唾珠塵怕掃。句冷池塘草。白天寒皎。飛瓊何在。夢覺覺譜梨雲度仙島。

聲聲慢 柳花

燕泥沾粉。魚浪吹香。芳隄十里新晴。靜惹遊絲。花邊裊裊扶春。多情最憐漂泊。記章臺、曾挽結譜青青。堪愛處。是撲簾嬌軟。隨馬輕盈。長是河橋三月。做一番晴雪。惱亂詩魂。帶雨沾衣。羅襟點點離痕。休綴潘郎鬢影。怕綠窗、年少人驚。捲春去。東風千縷碎雲。

憶舊遊 有懷東園

記花陰暝燭。柳影飛梭。庭戶東風。綵筆爭春豔。任香迷舞袖。醉擁歌叢。畫簾靜掩。芳晝雲翦玉玲瓏。皆譜奈恨絕冰絃。塵侵皆譜翠譜。別鳳離鴻。鶯籠怨春遠。但翠冷閒階。墜粉飄紅。事逐華年換。歎水流花謝。燕去樓空。繡鴛暗老。薇徑殘夢繞雕櫳。悵寶瑟無聲。愁痕沁碧江上峯。一作江上。孤峯非是。

水龍吟 春晚

燕翎誰寄愁箋。皆譜天涯望極。王孫草。新煙換柳。光風浮蕙。餘寒尙峭。倚杖看雲。翦燈聽雨。幾番詩酒。歎長安倦客。江南舊恨。飛花亂。清明後。隄上垂楊風驟。散香綿。輕沾吟袖。麴塵兩岸。紋波十里。暖蒸香透。海闊雲深。水流春遠。夢魂難勾。問鶯邊按譜。花前覓句。解相思否。

又 春 恨

舞紅輕帶愁飛。寶轡暗憶章臺路。吟香醉雨。吹簫門巷。飄檢院宇。立盡殘陽。眼迷晴樹。夢隨風絮。歎江潭冷落。依依舊恨。人空老。柳如許。錦瑟華年暗度。賦行雲。空題短句。晴情情譜。絲繫燕。么絃彈鳳。文君更苦。煙水流紅。暮山凝紫。是春歸處。悵江南望遠。蘋花自采。寄將愁與。

又 白 蓮

素鸞飛下青冥。舞衣半惹涼雲碎。藍田種玉。綠房迎曉。一奩秋意。擎露盤深。憶君涼清補題。夜。暗傾鉛水。想鴛鴦正結。梨雲好夢。西風冷。還驚起。應是飛瓊仙會。倚絕妙好詞作邀涼颿。碧簪斜墜。輕妝鬪白。補題目明璫照影。紅衣羞避。霽月三更。粉雲千點。靜香十里。聽湘弦奏徹。冰綃偷翦。聚相思淚。

天香 龍涎香。

碧腦浮冰。紅薇染露。驪宮玉唾誰搗。麝月雙心。鳳雲百和。寶釧補題珮環爭巧。濃薰淺注。凝醉度。千花春曉。金餅著衣餘潤。銀葉透簾微裊。素被瓊篝夜悄。酒初醒。翠屏深窈。一縷舊情。空趁斷煙飛繞。羅袖餘馨漸少。悵東閣。淒涼夢難到。誰念韓郎。清愁漸老。

珍珠簾 琤瑣簾

寶階斜轉春宵永。雲屏敞。霧捲東風新霽。光動萬星寒。曳冷雲垂地。暗省連昌遊冶事。照炫轉。熒煌珠翠。難比。是鮫人織就。冰綃清淚。猶記夢入瑤臺。正玲瓏透月。瓊鉤十二。金縷逗濃香。接翠蓬雲氣。編夜梨花生暖白。浸嫩豔。一池春水。沈醉。歸時人在。明河影裏。

疎影 梅影。

冰條木葉。又橫斜照水。一花初發。素壁秋屏。招得芳魂。彷彿玉口明。

滅疎疎滿地珊瑚口。全誤却。撲花幽蝶。甚美人。忽到窗前。鏡裏好春難折。閒想孤山舊事。浸清漪倒暎。千樹殘雪。暗裏東風。可慣無情。攪碎一簾香月。輕妝誰寫。崔微面。認隱約。煙綃重疊。記夢回。紙帳殘燈。瘦倚數枝清絕。

齊天樂 蟬

槐薰

補題

忽送清商

補題

怨。依稀正開

補題

還歇。故苑愁深。

補題

危

弦

補題

調苦。前夢蛻痕枯葉。傷情念別。是幾度斜陽。幾回殘月。轉眼

西風。一襟幽恨向誰說。

輕鬟猶記動影。翠蛾

補題

應妬

補題

我。雙

鬢如雪。枝冷頻移。葉疎猶抱。

補題

辜負好秋時節。淒淒切切。漸迤邐

黃昏。砌蛩相接。露洗餘悲。暮煙

補題

聲更咽。

滿江紅 寄剡中自醉兄。

秋水涓涓。情渺渺。美人何許。還記得。東堂松桂。對牀風雨。流水桃花

西塞隱。茂林脩竹山陰路。二十年。歷歷舊經行。空懷古。評硯品。臨書譜。牋畫史。修茶具。喜一愚天稟。一閒天付。百戰徵求千里馬。十年鉅釘三都賦。問何如。石鼎約彌明。同聯句。

玉漏遲

題吳夢窗霜花腴詞集

老來歡意少。錦鯨仙去。紫簫聲杳。怕展金奩。依舊故人懷抱。猶想烏絲醉墨。驚俊語。香紅圍繞。閒自笑。與君共是。承平年少。雨窗短夢難憑。是幾口官商。幾番吟嘯。淚眼東風。回首四橋煙草。載酒倦遊處。已換却。花間啼鳥。春恨悄。天涯暮雲殘照。

右。上卷詞五十八闕。見蕢洲漁笛譜者五十闕。樂府補題者三闕。

草窗詞卷下

桃源逢故人聞情

流蘇靜掩羅屏小。春夢苦無分曉。一縷舊情誰表。暗逐餘香裊。相思懶謾寄流紅杳。人瘦花枝多少。郎馬未歸春老。空怨王孫草。

南樓令聞怨

絲雨織鶯梭。浮錢點翠荷。燕風輕、庭宇正清和。苔面唾茸堆繡徑。春去也。奈春何。官柳老青蛾。題紅隔翠波。扇鸞孤。塵暗合歡羅。門外綠陰深似海。應未比。舊愁多。

又秋夜

桂影滿空庭。秋宵正五更。謾更謾云秋一聲聲。都是消凝。新鴈舊蛩相應和。禁不過。冷清清。酒與夢皆俱醒。謾病因愁做成。展紅綃。猶有

餘馨。暗想芙蓉城下路。花可可。霧冥冥。

又秋夜

欹枕聽西風。蛩階月正中。弄秋聲。金井梧_{笛譜}桐。閒省十年吳下路。
船幾度。繫江楓。輦路又迎逢。秋如歸興濃。歎淹留。還見新冬。湖外
霜林秋似錦。一片片。認題紅。

又

開了木芙蓉。一年秋已空。送新愁。千里孤鴻。搖落江蘼多少恨。吟不
盡。楚雲峯。往事夕陽紅。故人江水東。翠衾寒。幾度霜濃。夢隔屏山
飛不去。隨夜鵲。繞疎桐。

又

好夢不分明。楚雲千萬層。帶圍寬。愁損蘭成。玉杵元霜無_{幾笛譜}咫尺。
青羽信。便沈沈。水調夜樓清。清宵誰共聽。砑_幾殘紅。空賦傾城。幾度

欲吟吟不就。可煞是沒心情。

西江月 春情

波影暖浮玉蜚。柳陰深鎖金鋪。湘桃花褪燕調雛。又是一番春暮。
碧柱情深鳳怨。雲屏夢淺鶯呼。繡窗人倦冷薰爐。簾影搖花亭午。

又 茶蘼閣

花氣半侵雲閣。柳陰近隔春城。畫闌明月按瑤箏。醉倚滿身花笛譜
影。翠格素虬晴雪。錦籠紫鳳香雲。東風吹玉滿閒庭。二十四簾春
詭。笛譜

又 懷刺

萬壑千巖剡曲。朝南暮北樵中。應是機中耶因下押東風江潭楊柳幾
東風。猶憶當年手種。鬢雪愁侵秋綠。容華酒借春紅。非非是是總
成空。金谷蘭亭同夢。

鷓鴣天 清明。

燕子時時度翠簾。柳寒猶未褪香綿。落花門巷家家雨。新火樓臺處處煙。情默默。恨恹恹。東風吹動畫秋千。刺桐開盡鶯聲老。無柰春何祇醉眠。

又 清明。

相傍清明晴便慳。閉門空自惜花殘。海棠半拆難禁雨。燕子初歸不柰寒。金鴨冷。錦鴛閒。銀釭空照小屏山。翠羅袖薄東風峭。獨倚西樓第幾間。

夜行船 秋思。

蛩老無聲深夜靜。新霜粲。一燈簾影。笛譜云：一妬夢鴛高。供笛譜愁月淺。縈亂恨絲難整。笙譜字嬌娥誰詭。香襟冷。懶笛譜看妝印。繡閣藏春。海棠偷暖。還似去年風景。

又秋暮

寒菊欹風棲小蝶。簾櫳靜。半規涼月。夢不分明。恨無憑據。腸斷錦牋盈篋。哀角吹霜寒正怯。倚瑤箏。暗愁難說。寶獸頻添。玉蟲時翦。長記舊家時節。

杏花天 莫愁

瑞雲盤翠侵官笛譜額。眉柳嫩。不禁愁積。返魂誰染東風筆。寫出郢中春色。人去後。垂楊自碧。歌舞夢。欲尋無迹。愁隨兩槳江南北。日暮石城風急。

又昭君

漢宮乍出慵梳掠。關月冷。玉沙飛幕。龍香重指春風弱。笛譜云。龍香一曲哀弦謾託。君恩厚。空憐命薄。青塚遠。幾番花落。丹青自是難描摸。不是當時畫錯。

又

金池瓊苑曾經醉。是多少。紅情綠意。東風一枕。遊仙睡。換却鶯花人世。漸暮色。鶻聲四起。正愁滿。香溝御水。一色柳煙三十里。爲問春歸那裏。

點絳脣 冬晚

雪霽寒輕。興來載酒移吟艇。玉田千頃。橋外詩情迥。重到孤山往。事和愁醒。東風緊。水邊疎影。誰念梅花冷。

又 訪牟存叟南漪釣隱

午夢初回。捲簾盡放春愁去。晝長無侶。自對黃鸝語。絮影蘋香。春在無人處。移舟去。未成新句。一硯梨花雨。
此闕絕妙好詞作周晉

戀繡衾 蝶

粉黃衣薄沾麝塵。作南華春夢乍醒。活計一生花裏。恨曉房。香露正

深。芳蹊有恨時時見。趁游絲。高下弄晴。生怕被春歸了。趕飛紅。穿度柳陰。

江城子 閨思。

玉肌多病怯殘春。瘦稜稜。睡騰騰。清楚衣裳。不受一塵侵。香冷翠屏春意靜。笛譜明月淡。曉風清。笛譜樓中燕子夢中雲。似多情。似無情。酒醒歌闌。誰爲喚真真。盡日瑣窗人不見。鶯意懶。蝶情愁。笛譜深。

又擬賀方回○案絕妙好詞題云：擬蒲江。

羅窗曉色透花明。詭瑤笙。按瑤箏。幾信絕妙好詞東風。能有幾分春。二十四闌凭玉暖。楊柳月。海棠陰。依依愁翠沁雙顰。愛鶯聲。怕鷓鴣聲。人自多情。春去自無情。把酒問花花不語。花外夢。夢中雲。

謁金門 春

花不定。燕尾翦開紅影。幾點露香蜂趕趁。日遲簾幙靜。試把翠蛾

輕暈。愁薄寶臺鸞鏡。屈指一春將次盡。歸期猶未穩。

又吳山觀鰲

天水碧。染就一江秋色。黿戴雪山龍起蟄。快風吹海立。數點煙鬟青滴。一杼霞綃紅溼。白鳥明邊帆影直。隔江聞夜笛。

又春晚

芳事晚。數點杏鈿香淺。惻惻輕寒風翦翦。錦屏春夢遠。穉柳拖煙嬌軟。花影暗藏深院。初試輕衫并畫扇。牡丹紅未展。

眼兒媚 閨情

飛絲半溼乍_{笛譜}。歸雲。愁裏又聞鶯。淡月秋千。落花庭院。幾度黃昏。十年一夢揚州路。空有少年心。不分不曉。厭厭默默。一段傷春。

好事近 佳人。

秋水浸芙蓉。清曉綺窗臨鏡。柳弱不勝愁重。染蘭膏微沁。下階笑

折紫玫瑰。蜂蝶撲雲鬢。回首見郎羞走。胃繡裙微褪。

又寄遠。

輕翦楚臺雲。玉影半分秋月。一晌淒涼無語。對殘花么蝶。
雁不成書。郎意似秋葉。閒展鴛綃殘緒。留譜捲淚花雙疊。碧天愁

浪淘沙 春晚

芳草碧茸茸。染恨無窮。一春心事雨聲中。窄索宮羅寒尙悄。閒倚薰籠。
猶記粉闌東。同醉香叢。金鞍何處驟驄。裊裊綠窗殘夢斷。紅杏東風。

又

柳色淡如秋。蝶懶鶯羞。十分春事九分休。開盡楝花寒尙在。怕上簾鉤。
京洛少年遊。誰念淹留。東風吹雨過西樓。殘夢宿醒相合就。一段新愁。

浣溪沙 春憶。

不下珠簾怕燕噴。旋移芳檻引流鶯。春光却早又中分。杏火無煙
燃綠暗。梨雲有_{如_笛譜}。雪冷清明。冶游天氣冶游心。

又

絲雨籠煙織曉_{晚_笛譜}晴。睡餘春酒未全醒。翠鈿輕脫隱香痕。生怕
柳綿縈舞蝶。戲拋梅彈打流_{啼_笛譜}鶯。最難消遣是殘春。

又 紫清道院。

竹色苔香小院深。蒲團茶鼎掩山扃。長松掃盡_{吹_笛譜}世間塵。靜養
金芽文武火。時調玉軫短長清。石牀閒臥看秋雲。

清平樂 閨院。

吹梅聲咽。簾捲初弦月。一寸春霏消蕙雪。愁染垂楊帶結。畫橋平
接金沙。軟紅淺隔兒家。燕子未歸門掩。晚妝空對菱花。

又

曉笛譜鶯嬌咽。庭戶溶溶月。一樹湘桃飛茜雪。紅豆相思漸結。看
看芳草平沙。遊驪猶未歸家。自是蕭郎飄泊。笛譜錯教人恨楊花。

又橫玉亭

詩情畫意。只在闌干外。雨露天低生爽氣。一片吳山越水。官煙醉
柳春晴。海風洗月秋明。喚取九霞飛珮。夜涼跨鶴吹笙。

又夏景

小橋紫綠。密翠藏吟屋。千頃風煙森萬玉。依約輞川韋曲。臨流照
影何人。悠然倚杖看雲。柳色翠迷山色。泉聲清和蟬聲。

又杜陵春遊

錦城春曉。苑陌芳菲早。可是杜陵人未老。日日酒迷花惱。歸驪困
倚芳醒。醒來還有新吟。人與杏花俱醉。春風一路聞鶯。

又

圖書一室。春暖垂簾隙。絕妙好詞云：春暖垂簾密。花滿翠壺薰硯席。睡覺半窗晴日。手寒不了殘棋。簫香細勘唐碑。無酒無詩情緒。欲梅欲雪天時。
案此闕絕妙好詞作周晉。

鳳棲梧 生香亭

竹窈花深連別墅。曲曲迴廊。小小閒庭宇。忽地香來無覓處。杖藜閒趁遊蜂去。老桂凝笛譜秋森玉樹。澗底孤芳。冉冉吹詩句。一掬幽情知幾許。鉤簾半畝藤花雨。

少年遊

松風蘭露滴崖陰。瑤草入簾青。玉鳳驚飛。翠蛟時舞。噴薄濺春雲。冰壺不受人間暑。幽草啜珍禽。花外琴臺。竹邊棋墅。處處笛譜有閒情。

又官詞擬小山。○絕妙好詞云：擬梅溪。

簾銷寶相

絕妙好詞云：簾銷寶相。

捲官羅。蜂蝶撲飛梭。一樣東風。燕梁鶯戶。

絕妙

好詞

院。那處春多。

曉妝日日隨香輦。多在牡丹坡。花深深處。柳陰陰

處。一片笙歌。

吳山青無心處茅亭。

山青青。水泠泠。養得風煙數畝成。乾坤一草亭。

雲無心。竹無心。我

亦無心似竹雲。歲寒同此盟。

又春晴。

燈輝輝。月輝輝。帳煖香深春漏遲。夢回聞子規。

欲成詩。未成詩。生

怕春歸。春又歸。花飛花未飛。

柳梢青梅。○案：蘋洲漁笛譜有小序。

約略春痕。吹香新句。照影清尊。洗盡時妝。效顰西子。不負東昏。金

沙舊事休論。儘消得。東風返魂。一段清真。風前孤驛。雪後前村。

又梅

萬雪千霜。禁持不過。玉雪生香。水部多情。杜郎老去。去惱愁腸。寒野嶮空廊。靜倚竹。無人自香。一笑相逢。江南江北。竹屋山窗。

又梅

隄水穿籬。新霜微月。小蘂疎枝。幾許風流。一聲龍竹。半幅鵝谿。頭悵望多時。欲待折。相思寄伊。眞色眞香。丹青難寫。今古無詩。

又梅

夜鶴驚飛。香浮翠蘚。玉點冰枝。古意高風。幽人空谷。靜女深幃。心自有天知。任醉舞。花邊帽欹。最愛孤山。雪初晴後。月未殘時。

又楊花

似霧中花。似風前雪。似雨餘雲。本自無情。點萍成綠。却又多情。

西

芳

江

天

湖南陌東城。甚管定。年年送春。薄倖東風。薄情遊子。薄命佳人。案此
闌絕妙好詞作周晉。

四字令 訪友不遇。

殘月半籬。殘雪半枝。孤吟自款柴扉。聽猿啼鳥啼。人歸未歸。無詩
有詩。水邊竚立多時。問梅花便知。

醉落魄

洪仲魯之江西書以爲別。

寒侵徑葉。雁風擊碎珊瑚屑。硯涼閒試霜晴帖。頌菊騷蘭。秋事正奇
絕。故人又作江西別。書樓虛度中秋節。碧闌倚徧愁誰說。愁是新
愁。月是舊時月。

祝英臺近

后溪次韻日熙堂主人。

殢餘醒。尋舊雨。愁與病相半。綠意陰陰。絲竹靜深院。絕憐事逐春移。
淚隨花落。似翦斷。鮫房珠串。喜重見。爲誰倦酒慵詩。賀屏掩雙扇。

白髮潘郎。羞見看花伴。可堪好夢殘時。新愁生處。煙月冷。子規聲斷。

甘州 燈夕書寄二隱

漸萋萋芳草綠江南。輕暉弄春容。記少年遊處。簫聲巷陌。燈影簾櫳。
月煖烘鑪戲鼓。十里步香紅。欹枕聽新雨。往事朦朧。還是江好絕詞妙
有南春夢曉。怕等閒愁見。鴈影西東。喜故人好在。水驛寄詩筒。數芳
程。漸催花信。送歸帆。知第幾番風。空吟想。梅花千樹。人在其中。

又題疎寮園。

信山陰道上景多奇。仙翁幻吟壺。愛一丘一壑。一花一草。窈窕扶疎。
染就春雲五色。更種玉千株。咳唾驅香在。四壁驪珠。曲折冷紅幽
翠。涉流花澗淨。步月堂虛。羨風流魚鳥。來往賀家湖。認秦鬟。越妝窺
鏡。倚斜陽。人在會稽圖。圖多賞。池香洗硯。山秀藏書。

齊天樂 次二隱寄梅。

護春簾幕東風裏。當年問花曾到。玉影孤舉。冰痕半折。漠漠凍雲迷道。臨流更好。妙一作正雪意逢迎。陰光相照。夢入羅浮。古苔咽啞翠禽小。一枝空念贈遠。遡波流不到。心事誰表。倚竹天寒。吟香夜冷。幾度月昏霜曉。尋芳欠早。怕鶴怨山空。雁歸書少。不恨春遲。恨春容易老。

憶舊遊 寄王聖與

記移燈翦雨。換火篝香。去歲今朝。乍見翻疑夢。向梅邊攜手。笑挽吟橈。依依故人情味。歌舞試春嬌。對婉婉年芳。漂零身世。酒趁愁消。天涯未歸客。望錦羽沈沈。翠水迢迢。歎菊荒薇老。負故人猿鶴。舊隱誰難。一作招。疎花謾撩愁思。無句到寒梢。但夢繞西泠。空江冷月。魂斷隨潮。

聲聲慢 送王聖與次韻

瓊壺歌月。白髮簪花。十年一夢揚州。恨入琵琶。小憐重見灣頭。尊前謾題金縷。奈芳情已逐東流。還送遠。甚長安亂葉。都是閒愁。次第重陽近也。看黃花綠酒。也合遲留。脆柳無情。不堪重繫行舟。百年正消幾別。對西風。休賦登樓。怎去得。怕淒涼時節。團扇悲秋。

踏莎行題中仙詞卷

結客千金。醉春雙玉。舊遊官柳藏仙屋。白頭吟老茂陵西。清平夢遠沈香北。玉笛天津。錦囊昌谷。春紅轉眼成秋綠。重翻花外侍兒歌。休聽酒邊供奉曲。

右下卷五十七闕。見薺洲漁笛譜者四十一闕。絕妙好詞選六闕。點絳脣午夢初回一闕。清平樂圖書一室一闕。借刻周晉。晉字叔明。卽公謹之父也。

草窗詞補上

夷則商國香慢 賦于固陵波圖

玉潤金明。記曲屏小几。翦葉移根。經年犯人重見。瘦影嫋嫋。雨帶風襟零落。步雲冷。鵝笙吹春。相逢舊京洛。素靨塵羅。仙掌香凝。國香流落恨。正冰鋪翠薄。誰念遺簪。水天空遠。應念鬢弟梅兄。渺渺魚波望極。五十弦。愁滿湘雲。淒涼耿無語。夢入東風。雪盡江清。

一萼紅 登蓬萊閣有感

步深幽。正雲黃天淡。雪意全未休。鑑曲寒沙。茂林煙草。俛仰千古悠悠。歲華晚。漂零漸遠。誰念我。同載五湖舟。磴古松斜。厓陰苔老。一片清愁。回首天涯歸夢。幾魂飛西浦。淚灑東州。故國山川。故園心眼。還似王粲登樓。最負他。秦鬟妝鏡。好江山。何事此時遊。爲喚狂吟老監。共賦銷憂。閣在紹興西偏。東州皆其地。

掃花游 九日懷歸

江籬怨碧。蚤過了霜花。錦空洲渚。孤蛩自語。正長安亂葉。萬家砧杵。塵染秋衣。誰念西風倦旅。恨無據。悵望極歸舟。天際煙樹。心事會細數。怕水葉沈紅。夢雲離去。情絲恨縷。倩回紋爲織。那時愁句。鴈字無多。寫得相思幾許。暗凝竚。近重陽。滿城風雨。

三姝媚 送聖與還越

淺寒梅未綻。正潮過西陵。短亭逢鴈。秉燭相看。歎俊游零落。滿襟依黯。露草霜花。愁正在。廢宮蕪苑。明月河橋。笛外樽前。舊情消減。莫訴離觴深淺。恨聚散匆匆。夢隨飄遠。玉鏡塵昏。怕賦情人老。後逢淒惋。一樣歸心。又喚起。故園愁眼。立盡斜陽無語。空江歲晚。

獻仙音 弔雪香亭梅

松雪飄寒。嶺雲吹凍。紅破數椒春淺。襯舞臺荒。澆妝池冷。淒涼市朝

輕換。歎花與人凋謝。依依歲華晚。共淒黯。問東風。幾翻吹夢。應慣識。當年翠屏金輦。一片古今愁。但廢綠。平煙空遠。無語銷魂。對斜陽。衰草淚滿。又西泠殘笛。低送數聲春怨。

高陽臺 送陳君衡被召

照野旌旗。朝天車馬。平沙萬里天低。寶帶金章。樽前茸帽風欹。秦關汴水經行地。想登臨。都付新詩。縱英遊。疊鼓清笳。駿馬名姬。酒酣應對燕山雪。正冰河月凍。曉隴雲飛。投老殘年。江南誰念方回。東風漸綠西湖柳。鴈已還。人未南歸。最關情。折盡梅花。難寄相思。

慶宮春 送趙元父過吳

重疊雲衣。微茫鵲影。短篷穩載吳雪。霜葉敲寒。風燈搖暈。棹歌入語。嗚咽。擁衾呼酒。正百里。冰河乍合。千山換色。一鏡無塵。玉龍吹裂。夜深醉踏長虹。表裏空明。古今清絕。高堂在否。登臨休賦。忍見舊時。

明月。翠銷香冷。怕空負、年芳輕別。孤山春早，一樹梅花，待君同折。

高陽臺寄越中諸友

小雨分江。殘寒迷浦。春容淺入蒹葭。雪霽空城，燕歸何處人家。夢魂欲渡蒼茫去。怕夢輕、還被愁遮。感流年、夜汐東還，冷照西斜。淒淒望極王孫草。認雲中煙樹，鷗外春沙。白髮青山，可憐相對蒼華。歸鵲自趁潮回去，笑倦游、猶是天涯。問東風、先到垂楊，後到梅花。

探芳信 西泠春感

步晴晝。向水院維舟，津亭喚酒。歎劉郎重到，依依漫懷舊。東風空結丁香怨。花與人俱瘦。甚淒涼、暗草沿池，冷苔侵甃。橋外晚風驟。正香雪隨波，淺煙迷岫。廢苑塵梁，如今燕來否。翠雲零落空隄冷。往事休回首。最銷魂、一片斜陽戀柳。

傲顰十解

內江城子 擬蒲江一闕。少年游官詞 擬梅溪一闕。已見集不錄。

四字令 擬花間

眉消睡黃。春凝淚妝。玉瓶水暖微香。聽蜂兒打窗。
等塵半牀。綃痕半方。愁心欲訴垂楊。奈飛紅正忙。

西江月

延祥觀拒霜擬蘇軾

綠綺紫絲步障。紅鸞綵鳳仙城。誰將三十六陂春。換得兩隄秋錦。
眼纔醉迷朱碧。筆花俊賞丹青。斜陽展盡趙昌屏。羞死舞鸞妝鏡。

好事近

擬東澤

新雨洗花塵。撲撲小庭香溼。早是垂楊煙老。漸嫩黃成碧。晚簾都
捲看青山。山外更山色。一色梨花新月。伴夜窗吹笛。

西江月

擬花翁

情縷紅絲冉冉。啼花碧袖熒熒。迷香雙蝶下庭心。一行情惜簾影。
北里紅紅短夢。東風鴈鴈前塵。稱銷不過牡丹情。中半傷春酒病。

醉落魄擬參晦

憶憶憶。官羅褶褶銷金色。吹花有盡情無極。淚滴空簾。香潤柳枝
經。春愁浩蕩湘波窄。紅蘭夢繞江南北。燕鶯都是東風客。移盡庭
陰。風老杏花白。

朝中措茉莉擬夢窗

綵繩朱乘駕濤雲。親見許飛瓊。多定梅魂纔返。香瘢半掐秋痕。枕
函釵縷。熏篝芳焙。兒女心情。尙有第三花在。不妨留待涼生。

醉落魄擬二隱

餘寒正怯。金釵影卸東風揭。舞衣絲損愁千褶。一縷楊絲。猶是去年
折。臨窗擁髻愁誰說。花庭一寸燕支雪。春花似舊心情別。待摘玫
瑰。飛下粉黃蝶。

浣溪沙擬梅川

鸞已三眠柳二眠。雙竿初起畫鞦韆。鶯籠風響十三絃。魚素不傳
新信息。鸞膠難續好姻緣。薄情明月幾番圓。

踏莎行 與莫雨山談邢城舊事

遠草情鍾。孤花韻勝。一樓聳翠生秋暝。十年二十四橋春。轉頭明月
簫聲冷。賦藥才高。題瓊語俊。蒸香壓酒芙蓉頂。景留人去怕思量。
桂窗風露秋眠醒。

以上十八闕。從絕妙好詞補。

草窗詞補下

減字木蘭慢

西湖十景

蘇隄春曉

恰芳菲夢醒。漾殘月。轉湘簾。正翠崦收鐘。彤墀放仗。臺榭輕煙。東園。
夜遊乍散。聽金壺。逗曉歇花籤。官柳微開露眼。小鶯寂妬。容塘詩話
春眠。冰匳。黛淺紅鮮。臨曉鑑。容塘詩話競晨妍。怕誤却佳期。宿妝旋
整。忙上雕鞍。都緣。探芳起早。看隄邊早有已開船。被帳殘香淚蠟。有
人病酒懨懨。

平湖秋月

碧霄澄暮靄。引瓊駕。碾秋光。看翠闕風高。珠樓夜午。誰搗元霜。滄茫。
玉田萬頃。趁仙查。只赤接天潢。髣髴凌波步影。露濃珮冷。衣涼。明

瑤。淨洗新妝。隨皓彩。過西廂。正霧衣香潤。雲鬟紺溼。私語相將。鴛鴦。
誤驚夢曉。作曉夢詩話掠芙蓉。度影入銀塘。十二闌干竚立。鳳簫怨徹。
清商。

斷橋殘雪。

覓梅花信息。擁吟袖。暮鞭寒。自放鶴人歸。月香水影。詩冷孤山。等閒。
泮寒暄暖。看融城。御水到人閒。瓦隴竹根更好。柳邊小駐游鞍。琅
玕。半倚雲灣。孤棹晚。載詩還。是醉魂醒處。畫橋第二。匿月初三。東欄。
有人步玉。怪冰泥沁。涇錦鵲斑。還見晴波漲綠。謝池夢草相關。

雷峯落照。

塔輪分斷雨。倒霞影。漾新晴。看滿鑑春紅。輕橈占岸。疊鼓收聲。簾旌。
半鉤待燕。料香濃。徑遠躡蜂程。芳陌人扶醉玉。路傍懶拾遺簪。郊
垌。未厭游情。雲暮合。漫銷凝。想罷歌停舞。煙花露柳。都付棲鶯。重圍。

已催鳳鑰。正鈿車。繡勒入爭門。銀燭擎花夜暖。禁街淡月黃昏。

麝院風荷。

軟塵飛不到。過微雨。錦機張。正蔭綠池幽。交枝徑窄。臨水追涼。官妝。
蓋羅障暑。泛青蘋。亂舞五雲裳。迷眼紅綃絳綵。翠深偷見鴛鴦。湖
光。兩岸瀟湘。風薦爽。扇搖香。算惱人偏是。縈絲露藕。連理秋房。涉江。
采芳舊恨。怕紅衣。夜冷落橫塘。折得荷花忘却。棹歌唱入斜陽。

花港觀魚。

六橋春浪暖。漲桃雨。鰕初肥。正短棹輕蓑。牽筇荇帶。縈網蕪絲。依稀。
岸紅遡遠。漾蓉塘詩話仙舟。誤入武陵溪。何處金刀膾玉。畫船傍柳頻
催。芳隄。漸滿斜暉。舟葉亂。浪花飛。聽暮榔聲合。鷗沈暗渚。鷺起煙
磯。忘機。蓉塘詩話夜深浪靜。任煙寒。自載月明歸。三十六鱗過却。素

賤不寄相思。

南屏晚鐘

疎鐘敲暝色。正遠樹、綠情情。看渡水僧歸。投林鳥聚。煙冷秋屏。孤雲漸沈鴈影。尙殘簫。倦鼓別遊人。官柳棲鴉未穩。露稍已掛疎星。重城禁鼓催更。羅袖怯。暮寒輕。想綺疏空掩。鸞綰翳錦。魚鑰收銀。蘭燈伴人夜語。怕香銷。漏永著溫存。猶憶回廊待月。晝闌倚徧桐陰。

柳浪聞鶯

晴空搖翠浪。晝禽靜。霽煙收。聽暗柳啼鶯。新簧弄巧。如度秦謳。誰紉翠絲萬縷。颺金梭。宛轉織芳愁。風裊餘音甚處。絮花三月官溝。扁舟。纔繫輕柔。沙路遠。倦追遊。望斷橋斜。蓉塘詩話作殘日。蠻腰競舞。蘇小牆頭。偏憂杜鵑喚去。鎮綿蠻。竟日挽春留。啼覺瓊疏午夢。翠丸驚度西樓。

三潭印月

遊船人散後。正蟾影印。話蓉塘詩寒湫。看冷沁鮫眠。清宜兔浴。皓彩輕浮。扁舟泛天鏡裏。遡流光。澄碧長明眸。栖鷺空驚碧草。素鱗遠避金鉤。臨流萬象涵秋。懷渺渺。水悠悠。念漢皋遺珮。湘波步襪。空想仙游。風收翠匿乍啓。度飛星。倒影入芳洲。瑤瑟誰彈古怨。渚宮夜舞潛虬。

兩峯插雲。

碧尖相對處。向煙外。挹搖岑。記舞鸞啼後。天香桂子。曾去幽尋。輕陰易晴。易雨。看南峯淡日。北峯雲。雙塔秋擎。露冷。亂鐘曉送霜清。登臨望眼增明。沙路白。海門青。正地幽天迥。水鳴山籟。風奏松琴。虛檻半空聚遠。倚闌干。暮色與雲平。明月千巖夜午。遡風跨鶴吹笙。

浪淘沙

新雨洗晴空。碧淺眉峯。翠樓西畔畫橋東。柳線嫩黃纔半染。眼眼東

風，繡戶掩芙蓉。帳減香筒。遠煙輕靄弄春容。鴈鴈未歸鶯未到。誰寄愁紅。

浣溪沙

幾點紅香入玉壺。幾枝紅影上金鋪。畫長人困鬪桴鼙。花徑日遲蜂課蜜。杏梁風軟燕調雛。荼蘼開了有春無。

又

波影搖花碎錦鋪。竹風清泛玉扶疎。畫屏紋枕小紗廚。台色麝囊分翠繡。夾羅螢扇縷金書。十分涼意淡妝梳。

又

淺色初裁試暖衣。畫簾斜日看花飛。柳搖蛾綠妬春眉。象局懶拈雙陸子。寶弦愁按十三徽。試憑新燕問歸期。

東風第一枝早春

草夢初回。柳眠未起。新陰纔試花訊。雛鴛迎曉。偎香小。蝶舞晴弄影。飛梭庭院。早已覺。日遲人靜。畫簾輕。不隔春寒。旋減酒紅香暈。吟欲就。遠煙催暝。人欲醉。晚風吹醒。瘦肌羞怯金寬。笑靨暖融粉心。珠歌緩引。更巧試。杏妝梅鬢。怕等閒。虛度芳期。老却翠嬌紅嫩。

菩薩蠻

霜風漸入龍香被。夜寒微澀宮壺水。滴滴是愁聲。聲聲滴到明。夢魂隨鴈去。飛到顰眉處。鴈已過西樓。又還和夢愁。

憶舊遊

落梅

念芳鈿委路。粉浪翻空。誰補春痕。竚立傷心事。記官簷點鬢。候館霑襟。東君護香情薄。不綽徑雲深。歎金谷樓危。避風臺淺。消瘦飛瓊。梨雲已成夢。謾蝶恨淒涼。人怨黃昏。撚殘枝重嗅。似徐娘雖老。猶有風情。不禁許多芳思。青子漸成陰。怕酒醒歌闌。空庭夜月。羌綽清。

倚風嬌近

填霞翁譜賦大花

雲葉千重。麝塵輕染金縷。弄嬌風軟。霞綃舞。花國選傾城。暖玉倚銀屏。綽約娉婷。淺素官黃爭嫵。生怕春知。金屋藏嬌深處。蜂蝶尋芳無據。醉眼迷花。暎紅霧。修花譜。翠毫夜溼。天香露。

英臺近

燭搖花。香裊穗。獨自柰春冷。過了收燈。纔始作花信。無端雨外餘醒。鶯邊殘夢。又還動。惜芳心性。忍重省。幾多綠意紅情。吟牋倩誰整。香減春衫。老卻舊荀令。小樓深閉東風。曲屏斜倚。知他是。爲誰成病。

風入松

立日卽席次寄閨韻

柳梢煙軟已瓊瓏。嬌眼試東風。情絲又逐青絲亂。剩寒輕。猶戀芳權。筍玉新裁早燕。杏鈿時引晴蜂。當時蘭柱繫花驄。人在小樓東。鶯嬌戲索迎春句。愛露牋。新染香紅。未信閒情便懶。探花拚醉瓊鍾。

朝中措 東山茶壑。

桐陰薇影小闌干。晝永瑣窗閒。當日清談賭墅，風流猶記東山。犀
奩象局，驚回槐夢，飛雹生寒。自有仙機活著，未應袖手旁觀。

清平樂 三白圖。

靜香眞色。花與人爭白。屬玉雙飛煙月夕。點破一奩秋碧。翠羅袖
薄天寒。笛聲何處關山。手撚一枝春色。東風怨入江南。
以上二十二闋。從蘋洲漁笛譜補。

題草窗詞卷後

踏莎行

吾竹毛甥元白

顧曲多情尋芳未老。一庭風月知音少。夢隨蝶去恨牆高。醉聽鶯語
嫌籠小。紅燭呼盧黃金買笑。彈絲踮躑長安道。綵牋拈起錦囊花。
綠窗留得羅裙草。

又

中仙王沂孫

白石飛仙紫霞淒調。斷歌重恨知音少。沈沈幽夢小池荒。依依芳意
閒庭悄。絕妙好詞云：斷歌人聽知音少。幾番幽夢欲回時。舊家池館生春草。風月交遊山川懷抱。憑
誰說與春知道。空留遺絕妙好詞作離好恨滿江南。想思一夜鬢花老。

清平樂

遜翁李萊老

日寒風細。庭館浮花氣。白髮潘郎吟欲醉。綠暗蘼蕪十里。西園南
浦東城。一春多少閒情。日暮采蘋歌遠。夢中喚得愁醒。


草窗詞題後

六六

浣溪沙

漫翁李彭老隱

玉雪庭心夜色空。移春小檻鬪春紅。輕衫短帽醉歌鐘。
綵扇舊題煙雨外。玉簫新譜燕鶯中。闌干到處是春風。



三十年四月五日
談書店

編主五雲王

編初成集書叢

草 窗 詞
補

中華民國二十八年十二月初版

撰 者 周 密

發行人 王 雲 五
長沙南門路

印刷所 商務印書館

發行所 商務印書館
各埠

(本號移址者不迎名)



3
4
2651